



PROOEMIUM

Non ita multi sunt menses, quando Prudentiæ Juris Opificiariæ, quam meditamur, primum specimen & quasi Prodromum, in persona Tyronis opificiarii publico dedimus; ubi, pro exigentia materiæ, potissimam industriæ partem in effigiando, vestiendoque novo homine impendendam habuimus: neque evenire igitur potuit aliter, quin multa, tum ad cognitionem statûs ipsius, tum ad ordinem doctrinæ pertinentia debuerint adduci, unde ex facie hominis externa, meram Prosopographiam colligere, & plus Scholæ, quàm usui datum existimare quis posset. Quare, licet ab initio, & Magistrum & Boëthium eidem succenturiari, apud animum nostrum constituerimus, attamen sententiâ mutatâ, missisq; thematibus, quæ ob affinitatem cum priori, methodum haud magnopere diversam admittere visa, tædium his quos varietas delectat, parere possent, aliud in præsens, idque foro magis accommodatum in medium adferre placuit,

)

cuit,